



Héraðsnefnd Árneseinga bs.

31. fundur haldinn í Ráðhúsi Ölfus 10. október 2023.

1. Fundarsetning

Helgi Kjartansson, formaður Héraðsnefndar Árneseinga bs., setur fundinn og býður fulltrúa velkomna. Einnig leggur hann til að formaður verði fundarstjóri og Rósa Sif Jónsdóttir, verði fundarritari, er það samþykkt samhljóða. Síðan er gengið til dagskrár.

2. Skýrsla og fundargerðir framkvæmdastjórnar

Helgi Kjartansson, formaður, fer yfir fundargerðir framkvæmdastjórnar nr. 11 frá 12. maí, nr. 12 frá 7. júlí nr. 13 frá 11. september og nr. 14 frá 25. september. 29. fundargerð héraðsnefndar frá 28. apríl og 30. fundargerð héraðsnefndar - aukafundur frá 24. maí. sl..

Formaður gefur orðið laust, enginn tekur til máls.

Fundargerðir eru bornar upp til samþykktar og samþykktar samhljóða.

3. Almannaþing Árneseinga - fundargerðir stjórnar almannaþinganna lagðar fram til kynningar og kynning á fjárhagsáætlun ársins 2024.

Pétur Pétursson, slökkviliðsstjóri, kemur inn á fundinn.

Helgi Kjartansson, formaður, kynnir fundargerðir stjórnar Almannaþingar Árneseinga nr. 2 frá 2. júní og fundargerð framkvæmdaráðs Almannaþingar Árneseinga nr. 2 frá 25. maí og nr. 3 frá 28. september og eru þær lagðar fram til kynningar.

Pétur fer yfir fjárhagsáætlun Almannaþingar Árneseinga fyrir árið 2024 og svarar fyrirspurnum.

Til máls taka auk formanns Álfheiður Eymarsdóttir, Kjartan Björnsson, Sveinn Ægir Birgisson og Ása Valdís Árnadóttir.

4. Brunannaþing Árneseinga - fundargerðir stjórnar Brunannaþinganna lagðar fram til kynningar, tillaga um breytingu á fjárhagsáætlun ársins 2023, og kynning á fjárhagsáætlun ársins 2024.

Pétur Pétursson, slökkviliðsstjóri, kynnir tillögu um breytingu á fjárhagsáætlun 2023 og kynnir fjárhagsáætlun ársins 2024.

Helgi Kjartansson, formaður, fer yfir fundargerðir stjórnar Brunavarna Árnæssýslu nr. 8 frá 25. september, nr. 9 frá 22. júní, nr. 10 frá 5. september, nr. 11 frá 12. september nr. 12 frá 28. september og nr. 13 frá 3. október og eru þær lagðar fram til kynningar.

Til máls taka auk formanns Daði Geir Samúelsson og Gestur Þór Kristjánsson.

Pétur fer yfir tölfræði yfir útköll hjá BÁ en haldið er utan um tölfræði upplýsinga í nýrri gátt á vegum HMS. Það sem af er ári eru fjöldi vettvanga 210 eða um 300 útköll á stöðvar. Oft eru boðaðar fleiri en ein stöð á vettvang. Flest útköllin eru í Ölfusi enda víðfeðmasta svæðið. Sem af er ári hafa 20 útköll verið vegna bruna í byggingum og 32 brunaútköll utan bygginga. Umferðarslysaútköll eru 26.

Ræðir Pétur um tillögu að breytingu á fjárhagsáætlun 2023, sem kemur til vegna kjarasamninga. Óskar hann eftir hækkun á fjárhagsáætlun ársins 2023 um 31 milljón kr.

Til máls taka auk formanns Arnar Freyr Ólafsson, Kjartan Björnsson og Gestur Þór Kristjánsson.

Formaður leggur til breytingu á fjárhagsáætlun ársins 2023 verði hækkuð um 31 milljón. Ekki er gert ráð fyrir að hækkun verði á framlagi sveitarfélaga heldur verði kaupum á tankbifreið sem fjármagna átti af eigin fé frestað og dregið verður úr búnaðarkaupum lið og launalið vegna æfinga ef á þarf að halda.

Tillagan er borin undir atkvæði og samþykkt samhljóða.

Pétur fer yfir fjárhagsáætlun Brunavarna Árnæssýslu fyrir árið 2024 og svarar fyrirspurnum.

Það er mikil fólksfjölgun í sýslunni. Reglugerð um starfsemi slökkviliða frá árinu 2018 markar ramma um slökkvilið í landinu. Þegar íbúafjöldi í þéttbýli fer í 15 þúsund þá á að vera sólahringsvakt slökkviliðs á staðnum. Þegar að íbúafjöldi á starfssvæði fer í 5 þúsund þá á að vera dagvinnuvakt á slökkvistöð. Það er mikilvægt að huga að því í tíma og gera ráð fyrir þessu í fjárhagsáætlunum, því það stýttist í að það þurfi að fara í breytingar á fleiri en einum stað vegna fjölgunar á svæðinu.

Huga þarf að bílaflota því að hann er að eldast og hefur eðlilegt viðhald aukist samfara því. Það er þó ólíklegt að hægt verði að endurnýja bílana eins og æskilegt er.

Úttekt HMS á slökkvistöðunum BÁ kom ekki vel út. Húsnæðismálin eru ekki sem skildi nema í Árnesi og á Selfossi og á það sérstaklega við um starfsmannaaðstöðu, það er þörf á að fara í endurbætur á húsnæðum brunavarna.

Það þarf að byrja á byggingum á Laugarvatni og á Flúðum og er vilji til að byggja á báðum stöðum eins fljótt og hægt er.

Til máls taka auk formanns Arnar Freyr Ólafsson, Haraldur Jónsson, Bragi Bjarnason, Ása Valdís Árnadóttir, Arna Ír Gunnarsdóttir, Daði Geir Samúelsson, Jón Bjarnason, Gestur Þór Kristjánsson,

Árni Eiríksson, Guðrún S. Magnúsdóttir, Kjartan Björnsson, Grétar Ingi Erlendsson, Álfheiður Eymarsdóttir, Sveinn Ægir Birgisson og Jóhanna Ýr Jóhannsdóttir.

5. Tónlistarskóli Árnesinga – fundargerðir stjórnar Tónlistarskólans lagðar fram til kynningar og kynning á fjárhagsáætlun ársins 2024.

Helga Sighvatsdóttir, skólastjóri, og Jóhann Stefánsson, aðstoðarskólastjóri Tónlistarskóla Árnesinga, koma inn á fundinn.

Fundargerðir stjórnar Tónlistarskóla Árnesinga nr. 205 frá 5. maí, nr. 206 frá 9. maí nr. 207 frá 13. september, nr. 208 frá 25. september og nr. 209 frá 25. september eru lagðar fram til kynningar.

Helga fer yfir fjárhagsáætlun Tónlistarskóla Árnesinga fyrir árið 2024 og svarar fyrirspurnum. Það er spennandi starfsár fram undan í Tónlistarskóla Árnesinga. Stærsta verkefni vetrarins er samstarf svið Sinfóníuhljómsveit Suðurlands og Pollapönk með yfirskriftinni “Burtu með fordóma”.

Fyrirhugað er að halda tónleika í nýju húsnæði Stekkjarskóla og eru þau spennt að sjá og heyra hvernig salurinn reynist.

Tímafrek verkefni hafa verið í vinnslu hjá skólastjórnendum, má þar nefna skipulag smiðjuviku, vinna við jafnlaunavottun sem nú er komin til Jafnlaunastofu til yfirferðar. Nýtt nemendakerfi var tekið í notkun en það hafa þó verið talsverðið hnökror á því kerfi sem vonandi fer að leysast. Ræðir hún um húsnæðismálin sem eru margbreytileg, sums staðar er aðstaða til kennslu góð, öðrum stöðum viðunandi en einnig óviðunandi. Hljóðeinangrun, hljóðvist og loftræsting eru hluti af því sem þarf að skoða einnig þarf að huga að utanaðkomandi truflun. Kennsla fer mjög oft fram í grunnskólunum en tónlistarherbergin eru oft aðþrengd og jafnvel saman með annarri starfsemi, sem dæmi skólahjúkrun.

Ræðir hún um hvað tækifæri til tónlistanáms er dýrmætt og að áhrif tónlistar sem hefur óumdeilt jákvæð áhrif á einstaklinginn sjálfan og samfélagið allt.

Nemaendafjöldi stendur nokkuð í stað milli ára, þó hefur aðeins orðið fækkun. Fór hún yfir dreifingu á hljóðfærum, nemendum á tré- og málmblasturs hljóðfærum hefur fækkað einnig hefur fækkað í gítarnámi en fjölgun hefur orðið í námi á rytmísk hljóðfæri. Fer hún yfir viðburði sem hafa verið og það sem fram undan er m.a. deildar- og hausttónleika og samspilsverkefni.

Til máls taka auk formanns Álfheiður Eymarsdóttir, Kjartan Björnsson, Arnar Freyr Ólafsson, Daði Geir Samúelsson og Haraldur Jónsson.

6. Héraðsskjalasafn Árnesinga - fundargerðir stjórnar Héraðsskjalasafnsins lagðar fram til kynningar, ósk um endurskoðun á húsaleigusamningi við Árborg og kynning á fjárhagsáætlun ársins 2024.

Þorsteinn Tryggvi Másson, safnstjóri Héraðsskjalasafns Árnesinga kemur inn á fundinn.

Fundargerð stjórnar Héraðsskjalasafns Árnesinga 19. september er lögð fram og til kynningar.

Þorsteinn fer yfir fjárhagsáætlun Héraðsskjalasafns Árnesinga fyrir árið 2024 og svarar fyrirspurnum. Eftir að fjárhagsáætlun Héraðsskjalasafns Árnesinga var samþykkt af stjórn kom

erindi frá Sveitarfélaginu Árborg um hækkun á húsaleigu, því óskar Þorsteinn eftir hækkun um 4 milljónir á fjárhagsáætlun 2024 ef endurskoðun á húsaleigusamningi verður samþykkt. Ræðir hann um störf safnsins en aukning hefur verið í fyrirspurnum og eru málin í ár komin yfir 1000.

Húsnæðismál safnsins hafa verið tíðrædd, segir hann frá hugmyndum sem stjórnin hefur rætt. Það er mikilvægt að ráða bót á geymsluvanda safnsins. Rætt hefur verið um að selja húsnæðið í Háheiði 9 og kaupa þess í stað tvö iðnaðarbil. Semja við Byggðasafn Árnesinga og fá þar geymslurými. Að fá sveitarfélögin til að kanna hvort að þau hafi húsnæði til umráða sem hægt væri að nýta til geymslu. Það er laust kjallarahúsnæði á Flúðum sem mætti taka á leigu undir geymslu. Þá væri mögulegt að leigja eða kaupa húsnæði á Selfossi fyrir skrifstofu og afhendingarstað.

Skeiða- og Gnúpverjahreppur eru að ganga frá pappírs skjölum og skila inn og munu eftirleiðis skila inn gögnum rafrænt. Fleiri sveitarfélög og aðrir aðilar eru einnig að vinna að þessum skilum.

Til máls taka auk formanns Haraldur Jónsson, Jón Bjarnason, Árni Eiríksson, Grétar Ingi Erlendsson, Bragi Bjarnason, Gestur Þór Kristjánsson og Arna Ír Gunnarsdóttir.

Endurskoðaður húsaleigusamningur Héraðsskjalasafns Árnesinga og Sveitarfélagsins Árborgar lagður fram til staðfestingar. Stjórn Héraðsskjalasafns Árnesinga leggur til við Héraðsnefnd að samþykkja endurskoðaðan húsaleigusamninginn við Sveitarfélagið Árborg og hækkun á fjárhagsáætlun um 4 milljónir.

Er hækkun á húsaleigusamningi borin undir atkvæði og samþykkt samhljóða.

Vorfundur Héraðsnefndar Árnesinga samþykkir að veita stjórn Héraðsskjalasafnsins heimild til að skoða húsnæðismálin á Flúðum og húsnæði á Selfossi og leggi fyrir framkvæmdastjórn.

7. Listasafn Árnesinga - fundargerðir stjórnar Listasafnsins lagðar fram til kynningar. og kynning á fjárhagsáætlun ársins 2024.

Arna Ír Gunnarsdóttir formaður stjórnar fer yfir fjárhagsáætlun Listasafns Árnesinga 2024 og svarar fyrirspurnum ásamt því að hún skilaði góðum kveðjum frá Kristínu Scheving.

Fundargerð stjórnar Listasafns Árnesinga frá 19. september er lögð fram til kynningar.

Arna Ír ræðir um afmælisýninguna Horstein sem gekk vel og margir sóttu. Ásgrímsleiðin sem var sameiginlegt verkefni listasafnsins og byggðasafnsins var einnig mjög vel heppnuð og er fyrirhugað áframhaldandi samstarfi á milli safnanna.

Prentuð voru út kort með skúlptúrleik safnsins sem er dreifður víða um sýsluna og var þeim dreift um Árnassýslu og í Reykjavík, fyrirhugað er að merkja hvern stað enn frekar svo að hægt sé að lesa um listaverkið og listamanninn og í framhaldi yrði það þýtt yfir á ensku. Haustsýning Ragnheiðar Jónsdóttur og Jakobs Veigars Sigurðssonar hefur slegið í gegn og mættu um 1200 manns á opnunina og er aðsóknin áfram góð. Aðsókn á safnið er góð og í september var

gestafjöldi ársins kominn í 14.600. Tekjur hafa aukist í safnabúðinni. Það þarf að huga að viðhaldi á húsnæðinu en það hefur ekki verið auðvelt að fá aðila í verkið.

Til máls taka auk formanns Jóhanna Ýr Jóhannsdóttir og Daði Geir Samúelsson.

8. Byggðasafn Árnesinga - fundargerðir stjórnar Byggðasafnsins lagðar fram til kynningar.

Beiðni um aukaframlag til Byggðasafns Árnesinga og kynning á fjárhagsáætlun ársins 2024.

Sandra Sigurðardóttir formaður stjórnar Byggðasafns Árnesinga, fer yfir fjárhagsáætlun 2024 og svarar fyrirspurnum ásamt því að hún skilar góðum kveðjum frá Lýði Pálssyni.

Fundargerðir stjórnar Byggðasafns Árnesinga nr. 6 frá 30. maí og nr. 7 frá 16. ágúst og nr. 8 frá 27. september eru lagðar fram til kynningar.

Sandra fer yfir starfsáætlun og fjárhagsáætlun Byggðasafns Árnesinga fyrir árið 2024 og svarar fyrirspurnum.

Sandra ræðir um sýningar sem haldnar hafa verið í safninu og hafa tekist vel. Fyrirhugað er að setja upp tvær sýningar á árinu 2024 auk jólasýningar. Gestakoma á safnið hefur aukist. Fara þarf í framkvæmdir á húsakynnum safnsins m.a. á að tjarga Húsið, gera við skorstein og mála Assistentahúsið. Áfram er unnið í markaðsmálum fyrir safnið.

Til máls taka auk formanns Haraldur Jónsson og Árni Eiríksson.

Leggur Sandra fram beiðni Byggðasafns Árnesinga um aukaframlag vegna fjárhagsáætlunar 2023 upp á 4,7 milljónir.

Formaður gefur orðið laust, enginn tekur til máls.

Beiðni um aukaframlag við fjárhagsáætlun fyrir árið 2023 upp á 4,7 millj.kr. er borin undir atkvæði og samþykkt samhljóða.

9. Stjórnskipulag Héraðsnefndar Árnesinga, minnisblað framkvæmdastjórnar lagt fram til umræðu - kynning frá Lögmönnum Suðurlands og umræða og ákvörðun um breytingar á stjórnskipulagi.

Steinunn Erla Kolbeinsdóttir, lögfræðingur, kemur inn á fundinn og ræðir um stjórnskipulag Héraðsnefndar Árnesinga og svarar fyrirspurnum.

Á vofundi var samþykkt að fela framkvæmdastjórn Héraðsnefndar að vinna áfram að skoða þá valkosti sem kynntir hafa verið og ásamt því að veita heimild til að setja fjármagn í sérfræðiaðstoð við þá vinnu og koma með tillögu að stjórnskipulagi Héraðsnefndar fyrir næsta haustfund.

Framkvæmdastjórn leggur til við haustfund Héraðsnefndar að eftirfarandi sviðsmyndir verði ræddar og ákveðið hvaða leið á að fara. Séu aðrar hugmyndir um breytingar á stjórnskipulagi HÁ þurfa þær að koma fram. Mikilvægt er að framkvæmdastjórn fái skýrt umboð til að halda áfram með málið.

A) Gerð verði breyting á stjórnskipulagi HÁ með þeim hætti að stofnuð verði byggðasamlög um: brunavarnir, tónlistarskólann og svo eitt byggðasamlag um héraðsskjalasafnið, byggðasafnið og listasafnið.

B) Gerð verði sú breyting á stjórnskipulagi HÁ að stofnuð verði byggðasamlög um brunavarnir, tónlistarskólann, héraðsskjalasafnið, byggðasafnið og listasafnið.

Ræðir Steinunn Erla um kosti og galla beggja sviðsmynda en það verður að fara í breytingar á stjórnskipulagi Héraðsnefndar samkvæmt erindi sem kom upphaflega frá ráðuneytinu um að endurskoða þurfi samþykktir HÁ. Það er ákveðin hagræðing í sameiningu safnanna, það mætti spara vaðandi fjár- og markaðsmálin, tölvu og tæknimál o.fl. Það er heilmikil stjórnsýsla utan um hvert safn í dag og safnamening yrði að öllum líkindum sterkari. Það þarf samþykki allra sveitarfélaganna til að hægt verði að halda áfram með breytinguna.

Til máls taka auk formanns Arnar Freyr Ólafsson, Arna Ír Gunnarsdóttir, Kjartan Björnsson, Árni Eiríksson, Grétar Ingi Erlendsson, Álfheiður Eymarsdóttir, Daði Geir Samúelsson, Jóhanna Ýr Jóhannsdóttir, Jón Bjarnason, Gestur Þór Kristjánsson, Ása Valdís Árnadóttir, Bragi Bjarnason, Haraldur Jónsson, Guðrún S. Magnúsdóttir, og Sveinn Ægir Birgisson.

Formaður leggur til að kosið verði um tillögu A og B.

Tillaga B er borin undir atkvæði. Alls eru 8 aðilar sem eru samþykkja tillögu B en 12 samþykkja tillögu A . Því er tillaga A samþykkt.

Haustfundur Héraðsnefndar Árnesinga felur framkvæmdastjórn að hefja vinnu við breytingu á stjórnskipulagi héraðsnefndar og leggja fram tillögu á vörfundum.

10. Afgreiðsla fjárhagsáætlana stofnana 2024

Fundarstjóri gefur orðið laust undir hverri fjárhagsáætlun.

- Tónlistarskóli Árnesinga

Fjárhagsáætlun Tónlistaskóla Árnesinga 2024 er borin undir atkvæði og samþykkt samhljóða.

- Listasafn Árnesinga

Fjárhagsáætlun Listasafns Árnesinga 2024 er borin undir atkvæði og samþykkt samhljóða.

- Brunavarnir Árnesinga

Jón Bjarnason tekur til máls.

Jón Bjarnason leggur fram eftirfarandi breytingatillögu á fjárhagsáætlun 2024 fyrir BÁ:

Fjárfesting ársins 2024 hækki um 10 milljónir vegna hluta af byggingu á tækjageymslu (slökkvistöð/björgunarmiðstöð) á Flúðum. 30 milljónir verði áætlað í tækjageymslu á Flúðum og 70 milljónir áætlaðar í byggingu tækjageymslu á Laugarvatni. Breytingunni verði mætt með lántöku.

Það liggur fyrir að framkvæma byggingu tækjageymslu á Flúðum, á einu og sama árinu er ansi bratt og óraunhæft. Undirbúningur á verkefninu s.s. skipulagsmál, loka hönnun og jarðvegs- og steypuvinna gæti því klárast á árinu 2024.

Til máls taka Haraldur Jónsson, Arna Ír Gunnarsdóttir, Álfheiður Eymarsdóttir, Kjartan Björnsson, Bragi Bjarnason, Jóhanna Ýr Jóhannsdóttir, Gestur Þór Kristjánsson og Árni Eiríksson.

Breytingartillaga á fjárhagsáætlun 2024 er borin undir atkvæði og samþykkt samhljóða.

Fjárhagsáætlun Brunavarna Árnesinga 2024 er borin undir atkvæði og samþykkt samhljóða með þeim breytingum sem samþykktar voru með tillögu Jóns Bjarnasonar um breytingu á fjárhagsáætluninni.

- Byggðasafn Árnesinga

Fjárhagsáætlun Byggðasafns Árnesinga 2024 er borin undir atkvæði og samþykkt samhljóða.

-Héraðsskjalasafn Árnesinga

Fjárhagsáætlun Héraðsskjalasafns Árnesinga 2024 er borin undir atkvæði og samþykkt samhljóða með þeim breytingum sem samþykktar voru fyrr á fundinum vegna endurskoðunar á húsaleigusamningi við Sveitarfélagið Árborg upp á hækkun um 4 millj. kr.

- Almannaþing Árnesinga

Fjárhagsáætlun Almannaþing Árnesinga 2024 er borin undir atkvæði og samþykkt samhljóða.

11. Samningur um FabLab lagður fram til samþykktar

Helgi Kjartansson, formaður, fer yfir samning um FabLab.

Formaður gefur orðið laust, enginn tekur til máls.

Samningur um rekstur FabLab smiðju Háskólafélags Suðurlands og Héraðsnefndar Árnesinga er borinn undir atkvæði og samþykktur samhljóða.

12. Héraðsnefnd Árneseinga – fjárhagsáætlun 2024

Helgi Kjartansson, formaður, tekur til máls í fjarveru Ingibjargar Garðarsdóttur, fjárhaldsmanns, og fer yfir fjárhagsáætlun fyrir árið 2024.

| Fjárhagsáætlun Héraðsnefndar Árneseinga 2024 | | | | | |
|---|--------------------|--------------------------|--------------------|--------------------------|---------------------------------------|
| Samþykkt 10. október 2023 | | | | | |
| | Áætlun 2023 | Hlutfall af framlögum | Áætlun 2024 | Hlutfall af framlögum | Hlutfallsleg breyting milli ára |
| Tekjur : | | | | | |
| Framlög sveitarfélaga | 221.350.000 | | 249.100.000 | | 12,54% |
| Tekið af sjóði v/endurgr. frá Framkvæmdasýslu vegna FSU láns hér að neðan | -15.500.000 | | | | |
| Samtals framlög sveitarfélaga | 205.850.000 | | 249.100.000 | | 21,01% |
| Gjöld : | | | | | |
| Byggðasafn Árneseinga | 82.700.000 | 36,6% | 87.500.000 | 35,1% | 5,80% |
| Héraðsskjalasafn Árneseinga | 44.000.000 | 19,5% | 52.250.000 | 21,0% | 18,75% |
| Listasafn Árneseinga | 52.000.000 | 23,0% | 57.000.000 | 22,9% | 9,62% |
| Stjórnun, annað og ófyrirséð | 10.500.000 | 4,6% | 12.500.000 | 5,0% | 19,05% |
| Lánasjóður Sveitarfélaga - afborgun v/FSU lán | 29.000.000 | 12,8% | 32.000.000 | 12,8% | 10,34% |
| FSU vegna FabLab | 6.000.000 | 2,7% | 6.000.000 | 2,4% | 0,00% |
| Fastir styrkir | 1.850.000 | 0,8% | 1.850.000 | 0,7% | 0,00% |
| Samtals gjöld | 226.050.000 | 100,0% | 249.100.000 | 100,0% | 10,20% |
| Sundurliðun - fastir styrkir | | | | | |
| HSK | 1.250.000 | 67,6% | 1.250.000 | 67,6% | 0% |
| SSK | 300.000 | 16,2% | 300.000 | 16,2% | 0% |
| Svæðisstj. björgunarsv. í Árnessýslu | 300.000 | 16,2% | 300.000 | 16,2% | 0% |
| Samtals | 1.850.000 | 100,0% | 1.850.000 | 100,0% | 0% |
| | 2023 | | 2024 | | Breyting á milli ára |
| Tónlistarskóli Árneseinga - launaliður | 348.575.000 | | 351.312.000 | | 0,79% |
| Samtals | 348.575.000 | | 351.312.000 | | 0,79% |
| Almannavarnir Árnessýslu | 6.734.000 | | 7.396.000 | | 9,83% |
| Samtals | 6.734.000 | | 7.396.000 | | 9,83% |
| Brunavarnir Árnessýslu | 445.204.830 | | 522.231.000 | | 17,30% |
| Samtals | 445.204.830 | | 522.231.000 | | 17,30% |

Formaður gefur orðið laust, enginn tekur til máls.

13.Öndverðarnes II

Helgi Kjartansson, formaður, fer yfir og leggur fram til kynningar afsöl vegna uppskipta á Alviðru og Öndverarnesi II.

Formaður gefur orðið laust, enginn tekur til máls.

Fundi slitið kl. 15:50.

Helgi Kjartansson, Bláskógabyggð
Kjartan Björnsson, Sveitarfélagið Árborg
Arna Ír Gunnarsdóttir, Sveitarfélagið Árborg
Gestur Þór Kristjánsson, Sveitarfélagið Ölfus
Sandra Sigurðardóttir, Hveragerði
Ellý Tómasdóttir, Sveitarfélagið Árborg
Helga Lind Pálsdóttir, Sveitarfélagið Árborg
Haraldur Jónsson, Skeiða- og Gnúpverjahreppur
Bragi Bjarnason, Sveitarfélagið Árborg
Brynhildur Jónsdóttir, Sveitarfélagið Árborg
Sveinn Ægir Birgisson, Sveitarfélagið Árborg
Þórhildur Dröfn Ingvadóttir, Sveitarfélagið Árborg
Jón Bjarnason, Hrunamannahreppur
Guðrún S. Magnúsdóttir, Bláskógarbyggð
Elín Höskuldsdóttir, Flóahreppur , áheyrnafulltrúi
Ása Valdís Árnadóttir, Grímsnes- og Grafningshreppur
Árni Eiríksson, Flóahreppur
Daði Geir Samúelsson Hrunamannahreppur, áheyrnafulltrúi
V. Baldur Guðmundsson, Sveitarfélagið Ölfus
Jóhanna Ýr Jóhannsdóttir, Hveragerði
Arnar Freyr Ólafsson, Sveitarfélagið Árborg
Álfheiður Eymarsdóttir, Sveitarfélagið Árborg
Grétar Ingi Erlendsson, Sveitarfélagið Ölfus
Rósa Sif Jónsdóttir, ritari